

槐

廳

載

筆

槐廳誠筆卷十

國子監祭酒法式善編

紀實一

御史伊爾陞京卿會中解元余詢之子家有何陰騭而中解元
伊答以無他陰騭惟能忍辱而已又問有何瑞兆云在書室讀
書墨忽躍起至梁上碎而下如是者二次以爲不祥其後中解
元乃知爲瑞兆也資慶新聞

姜真源以庶常改西臺今爲睢陳巡道

靜易堂詩集註

山東解元在明時仕多不達至順治戊子吾邑伊中丞翕菴

以乙未改翰林授御史今至節鉞甲午大嵩趙庶常浮山舟作以

己未丙午鄆城魏侍讀子相希微以丙辰壬子濱州王檢討甲先

免以癸丑乙卯德州李編修紫瀾壽以丙辰丁巳諸城王編修

何思

沛

以己未辛酉德州孫檢討子未勳以乙丑丁卯陽穀劉

庶常

琰

以辛未凡歷十五科而入翰林者八人

池北偶談

自庚申已後諸僭逆以次削平各省次第補行鄉試故福建有
庚申科主考戶部郎中劉元勳大理寺評事白夢鼎廣西貴州
皆壬戌科廣西主考翰林院編修喬萊刑部員外郎楊佐國貴
州主考翰林院編修沈旭初戶部主事陸鍾呂雲南四川皆癸
亥科雲南主考翰林院編修米漢雲戶部主事高瑄四川主考
翰林院編修方象瑛吏部文選司員外郎王材任

同上

世祖章皇帝最重庶吉士每親自考較乙未館選丙申特先授

漢書庶吉士王益朋王命岳等官六科給事中監察御史

內劉祚遠

授吏科給事中尋以疾祖大

學士正家廉改吏部主事

戊戌館選己亥

御試於南海子特先授清書庶吉士馬晉允富鴻業

後改等十鴻基

人爲編修檢討而陳敬

北通州人與今說嚴禮同館也說嚴尋奉

旨加廷字般觀

光二人革職皆非散館故事

同上

順治四年丁亥重行會試十六年己亥復重行會試

同上

康熙三十年二月初六日晨內閣九卿啟奏乾清門辰刻奉

旨以戶部尙書文華殿大學士張玉書經筵講官工部尙書

陳廷敬兵部右侍郎李光地經筵講官兵部督捕右侍郎王

士禎爲會試主考官禮部左侍郎王颺昌爲知貢舉官同考十

八人翰林院編修許承家等七人兵科掌印給事中卞三畏等

四人吏部郎中鍾儀傑等七人宴于禮部

賜金花綵緞表裏各有差宴畢入鎖院

居易錄

二十七日恭呈十卷進

御覽次日奉

旨着考試官自定次第先是二十四年乙丑科會試主考官刑部尚書張公士甄今吏部尚書等始進擬十卷恭請

上裁

欽定名次以陸肯堂爲第一戊辰已來遵爲定例然戊辰亦未

欽定云同

三月二十三日

御太和門傳臚

賜中式舉人戴有祺及第第一初讀卷官內閣九卿擬吳昺第一有祺第二楊中訥第三既進

御覽改有祺第一昺第二黃叔琳第三中訥居二甲之首昺全椒人故禮科給事中龍子對策做陸宣公奏議

上以書法拔有祺狀元而昺次之又以鼎甲久無北人拔叔琳

次昺叔琳大興人中訥海寧人同年兵部左侍郎雍正子遇合

之有定數如此

同上

有祺戊辰進士休寧人籍華亭

本朝狀元非本科中式者壬辰之鄒修撰忠倚己丑中式甲辰之嚴侍郎我斯榜眼李都御史元振皆辛丑中式及此而三同上昺試卷在會闈予所特拔及折號王少宗伯吳廬亟稱之明旦榜發入

朝遇李少宰醒齋振裕王閣學鶴汀尹方皆爲主司賀得人李前督江南學政王卽庚午江南鄉闈主司也昺伯父叔兄弟五人進士第者凡四其世父國對順治戊戌一甲第三人也兄晟丙辰進士從兄昇戊午舉人蓋家學云後其弟早中壬午順天

鄉試

同上

癸酉鄉試江南以少詹事李錄子爲正考官前此所無同

甲戌元旦

上御太和門受朝賀諸王百官仍詣昭德門行賀

東宮禮

上諭直省學院須得人

命九卿會舉如陸龍其邵嗣堯其人者時龍其已歿尋有

特旨以兵部右侍郎李光地提督順天等處學政直隸守道叅

議邵嗣堯提督江南學政以翰林院檢討顏光敏提督浙江學

政同上

辛未科庶吉士散館

御試於暢春苑授史職者二十人內張豫章成辰一甲第三人

留館教習者二人一甲第三黃叔琳庶吉士狄億以知縣外用者八人惠周暢張孝時

陳汝咸毛鷗金潮張翔鳳胡革職者一人張禹玉壬戌庶吉士上同

四月十三日

御保和殿親選庶吉士汪倓等三十九人滿洲七人俱改庶吉士辛未補殿試入選

者四人汪倓長洲人王楨華亭人陳成永海寧人五哥滿洲人上同

丁丑會試以吏部尙書熊賜履禮部尙書兼掌翰林院詹事府事張英都察院左都御史吳璵刑部左侍郎田雯爲總裁官中式滿漢舉人一百五十九名會元汪士鋐江南長洲人汪子太學門生也原名僕同上

七月十三日殿試十七日

上御太和殿傳臚狀元及第李蟠徐州人榜眼張虞惇華亭人本位最常熟人明大學士汪文靖訪之元孫探花姜宸英慈谿人二甲第一汪士鋐

上同

二十五日甲戌科庶吉士汪倏等散館試于乾清門辛未科

探花黃叔琳甲戌科狀元胡任與探花顧悅履已經授職外

應國河給假歸不與授編修檢討者二十人內查昇史申義門錫爵文辰

滿保傳森海賈三人漢軍陳科道吳甫生江球二人庶吉士汪倏辛未中式滿洲

曹拉都立林文英二人文英戊辰科庶吉士以知縣用張壽崗等六人辛未科庶吉士內張逸少大學士

辛未科庶吉士內張逸少大學士隨旗行走五哥一人辛未科庶吉士

右侍郎同努黑子上

二十六日

御保和殿選庶吉士二甲汪士鋹等十三人三甲朱啟昆等十

八人內徐樹本故大學士元文子陳壯履戶部尚書廷敬子趙

故大學士之芳嫡姪孔尚先至聖裔滿洲桑格查賚阿爾賽常

可阿進泰傅敏六人漢軍蔡珽一人舊例解元皆留館是科四

不入選內充人

康熙三十八年七月二十日以翰林院檢討阿金爲福建正主

考滿保爲浙江副主考喀爾喀爲河南副主考海寶爲陝西副

主考滿洲翰林官出典鄉試自今科始阿金喀爾喀子辛未科所取士也

子自初仕揚州李官至叨九列三十年間往往謬司文衡順治

庚子江南鄉試爲同考官分較易二房得盛符升甲辰進士監察御史等

十人康熙癸卯江南武鄉試爲同考官得邱湛甲辰武會元等十九

人壬子以戶部郎中爲四川鄉試正考官得楊光龍等四十二

人副之者工部員外郎黃溪鄭公自奎戊午以翰林院侍讀爲

順天武鄉試正考官得王來泰等一百八十六人副之者侍講

今內閣學士兼禮部侍郎韓公表是榜嘉祺中己未武狀元湖州

將徐憲武中壬戌武狀元黃州徽燧章中丁丑武狀元山西庚

申遷國子監祭酒辛酉甲子兩值科試矢公甄拔得士尤衆如

壬戌之史表

卷九等乙丑之高

職修金居敬

知縣等戊辰之湯

右會

編修改

查嗣韓

榜眼

查昇

編修等不下數十人

率皆一時名

士辛未會試爲考試官同事者文華殿大學士兼戶部尚書張

公玉書工部尚書陳公廷敬兵部右侍郎李公光地也得張瑗

編修改

等一百五十六人而前在揚州日所賞拔士如許承宣

丙辰進士

許承家

已丑進士

汪懋麟

丁未進士

喬萊

丁未進士汪楫

已未

檢討河南

許嗣隆

王戊進士

吳世燾

戊辰進士

張琴

癸丑進士

劉長發

丁未進士

張楷

丁未進士

張琬

彭士

右夏九叙

王司龍

之屬以文章登科甲者亦不下數十人予幸生右文之代獲以

文事自効畧抒其推賢進達之義少追罪戾詎非天幸聊疏其

樂用示吾子孫云

居易錄

近科鼎甲未有如癸丑之盛者狀元韓少宰莢榜眼王大司空

鴻緒探花徐詹學秉義同時在

朝位三品上徐尋遷禮吏二部侍郎

同上

鼎甲之衰未有如丁丑者庚辰春尙未解館而狀元李修撰蟠以科場事流徙奉天府安插探花姜編修宸英卒于非所榜眼嚴編修虞惇以子弟中式登進降謫

同上

三十九年二月初五日吏部集議順天考試官同考試官衆問或以磨勘疏爲主或以覆試爲主于謂准舉人會試者

皇上之特恩磨勘處分者科場之定例若因覆試而廢磨勘恐將來科場之弊益不可問矣滿洲太宰庫勒納公深以予言爲然議遂定

同上

自己卯順天鄉闈 乾清門覆試舉人後直省考試官自侍郎

以下樂行開列恭候

欽點壬午鄉試以副都御史張唐主考陝西御史吳甫生副之

吏部文選司郎中陳汝弼主考江南工科給事中黃鼎楫副之

御史劉子章主考江西御史傅作楫主考浙江翰林滿洲阿爾

賽副之湖廣巴海大理寺評事子門人山東滿保河南傅森皆翰林滿洲

人山西孫致彌戊辰庶吉士副都御史御史庶吉士典鄉試自

是科始香祖筆記

以詹事府詹事兼侍讀學士徐秉義前吏部右侍郎原任翰林院侍講

徐元夢滿洲人爲順天考試官二君皆癸丑科進士同上

壬午冬

駕歸自德州考試內直諸詞林官至二十二日封印後一日

始畢定一等十八人侍讀學士陳元龍等二等若干人其三等五

人調知縣甲諭德王化鶴中允吳晟修撰戴有祺辛未狀元檢討趙

爾孫吳文炎

同上

癸未會試總裁官東閣大學士兼禮部尚書熊賜履吏部尚書
陳廷敬吏部右侍郎兼掌翰林院事吳涵禮部右侍郎許汝霖

同上

四月初四日

御試初七日傳臚狀元王式丹

會元

江南寶應人榜眼趙晉福建

閩縣人探花錢名世江南武進人是科以違式黜者三人

吳時寬沈

洪雷會

同上

十五日引見癸未科進士選汪灝等四十九人爲庶吉士與鼎

甲三人同入館讀書

同上

十二日在場春苑

御試庚辰科鼎甲汪繹等及庶吉士十七日

命下留館授職者十三人顧圖河

甲戌一

汪繹季愈皆鼎甲餘

庶吉士滿漢共十人

戊辰庶吉士梁佩蘭張尙瑗辛未庶吉士狄億皆外用者共三十一人

同上

本朝狀元選書法之優者順治中

世祖皇帝喜歐陽詢書而壬辰狀元鄒忠倚戊戌狀元孫承恩皆歐書者也康熙以來

上喜二王書而已未狀元歸允肅壬戌狀元蔡升元庚辰狀元汪繹皆法黃庭經樂毅論者也惟戊辰進士中工二王體者首推海寧查昇以其族叔嗣韓兼習五經拔置鼎甲昇遂抑置二甲丁未進士工書者首賚強宋師祁而不與鼎甲又不與吉士之選終於一命亦可惜也

分廿餘話

丁巳九月再舉鄉試時開秦楚閩諸例納賈者許列名太學及

補入各省紅案特行鄉試以酬之

三國識畧

科臣何楷題爲科舉定例每六十卷中式一名今督學取數太多宜限數截去於是生員名列二等者大半芟除學校爲之失色夫寒士三年苦心膏火之費途路之資措辦不易今旣得復失殊乖

盛朝鼓舞之意且科舉多寡何關大計國家事豈更無急於此者乎前明張孚敬嘗國有沙汰生員之舉言官上言謂自昔以來有增學舍廣生徒者矣但聞沙汰僧尼未聞有沙汰生員者事寢不行此舉可謂不學無術矣

同上

心友張君沒於京師其友無不哀之哀其有才而業未就也有志而學未遂也慨自時風衆勢趨於科舉一途苟非卓立千古之士一第進士便得志以爲讀書之事畢矣故流俗之倫雖穿

穴經傳形灰心死至於老盡者矣苟不與策名皆謂之無成豈知場屋之外復大有事古今事物錯落高下不以涯量帝王之所經營聖賢之所授受下而緣情綺靡之功俱屬吾人分內學者窮年矻矻彷彿其涯涘而不可得總溢才命世抗志思古道之未通吾夫子所謂苗而不秀秀而不實在此而不在彼也君天姿朗秀率性聰達年二十四舉於鄉明年登進士第縱橫指取無不如意流俗莫不交口羨之爲人得如君則亦已矣而君獨欲然不自以爲足將暫息乎其已學者而勤乎其未學者於是親師取友里中有講經會君帖帖坐諸生惟恐不卒得聞同邑范氏多藏書余偕同學借抄日計君所手抄過於傭書者君不特抄之而且發之爲詩無僻固狹陋之習使由是而之焉則且淳之爲道德流之爲文章溥之爲事業皆未可知未幾而君

卒矣乃僅僅以詩見之於友朋間是其才可惜而志可哀也故

論君者不在君之所就於其所未就者君自此遠矣君諱士墳

字心友別號雪汀

南雷文選

士人通籍金門後輒受一職治

天子之事獨詞林一席仍讀士子之書耳然

上命煌煌實式臨之與博士弟子黨庠鼓篋者不同是讀士人

之書卽讀

天子之書而治

天子之事者也然往往咕嗶之業反儉於家食時何者士人有

十年讀書之志視南面百城雅謂過之下帷閉戶此可以自力

者也至於長安道上儼然子大夫矣酒食徵逐晨昏報謁時時

有之甚而二陸三張森然槐柳或不能獨異於時賢卽僕僕挾

後入官舍乎連廡分室人纔受兩楹耳片石支門同人輒笑爲怪事某屢過從一被一此倒屣不遑何執卷之爲也一飽無何日下春呼馬出矣故入館以後授職以前時不爲不久然三年

在苒猶一日也

樓雲閣文集

以七十四歲老病將死之人謬充博學之薦而地方官府卽時起解籃輿就道出乘弄醜累經部驗今幸放免復卧板舁歸從此以後活一月不可知一年不可知先生聞之定當大笑霜紅齋集生員之在天下近或數百千里遠或萬里語言不同姓名不通而一登科第則有所謂主考官者謂之座師有所謂同考官者謂之房師同榜之士謂之同年同年之子謂之年姪座師房師之子謂之世兄座師房師之謂我謂門生而門生之所取中者

謂門孫門孫之謂其師之師謂之太老師

亭林文剛存

上召戶部郎中王士禎賦詩

賜讌授翰林院侍讀遂

詔中外各舉所知時戊午正月也

橫雲山人集

乙丑會試

皇上親自命題主司閱卷畢以元魁十卷密封進呈

御筆親定甲乙元龍倖列第二名榜發恭紀以詩

御筆緘封命試題五雲深護棘闈低文場千古添佳話努力摘
詞應聚奎慎選真才仰

聖心主司鄭重辨璆琳闈中未敢輕書榜捧進黃封候

玉音不才何意壓羣英甲乙標題自

聖明一榜十人恩更重只今

天子有門生

愛日堂詩集

二月初九日第一場坐淡字號初十日卯刻大風出貢院門有旗下小厮牽予裾云新科狀元來了吾家裏人都要出來看予頗異之亦不解其故十二日第二場坐珠字號夜夢外祖語予曰吾掌海中珍寶予叩曰珍寶誰爲第一外祖云飛錢爲第一又以牙笏授予二十六日榜發中式三十六名予寓報國寺西廊第一房丁酉八月在此舉鄉試丁未復至此舉會試未發榜前一兩日予心怏怏遂束裝作歸計二十五日至殿前古松下默祝云公車五次今科不中以後不作進取思竟與松長別矣又與三弟及寺中同寓黃繼武馬殿間輩作別後遂出寺門往張家灣行里許遠遠見一人騎而來兩手抱金字牌二有狀元及第四字忙向彰義門走與予騎交臂過予在馬上回顧又有假滿還朝四字予心疑焉過同郡汪茗文寓別之因問頃所見

者必史及趙徐公肅嚴就思三先生進京茗文云三公無一來者予豈夢見耶適邵無盡李經園與星士方伯瞻在座談星學茗文亦自負精於星理者也索予造觀之予急欲至張家灣遂別去是日僅至海岱門外許家店宿二十六日早榜發有名仍歸報國寺予至松下長揖謝之三月二十日殿試禮部儀制司員外俞有章唱名名數單者從左掖門入雙者從右掖門入予三十六名當在右由貞度門至太和殿前行三跪九叩頭禮內院官置黃棹於丹陛卽擡下丹陛禮部散題紙諸進士跪受又行三叩頭禮然後就坐讀卷官十四員爲大學士巴泰李蔚學士明珠劉秉權劉芳躅田逢吉吏部左侍郎馮溥右侍郎王清都察院左都御史王熙禮部左侍郎黃機戶部左侍郎嚴正矩禮部右侍郎曹申吉兵部左侍郎劉鴻儒刑部左侍郎馬紹

會二十一日到禮部領三枝九葉帽頂宿鴻臚寺二十二日五鼓入朝至午門候傳臚是日微雨

皇上升殿時雨稍甚先一日傳某人狀元某人榜眼某人探花彤已無望不過隨班行禮而已及至太和殿前與諸進士跪丹墀下聽三唱第一甲第一名係彤名每一唱已必鼓樂良久彤心中猶疑非是不敢出班禮部官掖之前然後出班跪跪稍遲傳制官已唱第二名糾儀御史於次日疏云第一名繆彤未跪卽唱第二名張玉裁傳制官應聽處分奉

旨罰俸三個月良以書生未習

朝儀因累執事官於心甚不安也是日唱名畢行三跪九叩頭禮彤隨禮部堂官捧黃榜從

御道出跪置龍亭內鼓樂迎至東長安門張掛順天府府尹李

天裕府丞高爾位迎彤與張玉裁董訥等三人至厥內簪花酌酒用儀從至順天府赴宴先望

闕叩頭府尹府丞率僚屬對立行四拜禮然後就席彤坐正席榜眼探花左右坐俱南向用教坊樂徹席望

闕謝恩府尹府丞親送至寓寓中設席款之二十四日同張董兩同年求謝

恩表舊例前科狀元代作所以尊前輩以其知體式也甲辰科狀元嚴就思先生給假歸而已亥徐立齋乙未史立菴兩先生皆在籍應求前科榜眼探花而李貞孟吳長庚兩先生亦在籍惟辛丑榜眼李子靜先生在任彤與張董兩同年登堂求見投門生帖用贊儀二十四金賞長班管家銀八兩俱照例也是時鼎甲中最資渙者金沙蔣虎臣先生係丁亥探花因已丑有熊

次侯先生戊戌有孫惟一先生皆在任虎臣先生云李子靜當讓孫惟一孫惟一應讓熊次侯熊次侯應讓不佞不佞代求李子靜此乃衙門之體一時前後輩俱嘆服蔣先生之言良是二十五日到禮部與恩榮宴讀卷官自滿漢大學士以下收卷官掌卷官自翰林科部以下監試御史及巡綽供給各官俱與宴皇上遣內大臣佟國舅陪宴彤一席榜眼探花一席諸進士四人一席用滿洲桌銀盤菓品食物四十餘品皆奇珍異味極天厨之饌

御賜酒三鼎甲用金碗隨其量盡醉無算宮花一枝小絹牌一面上有恩榮宴三字狀元用銀牌四月初二日午門外頒給彤袍帽水晶金頂涼帽一頂鑲蟒石青朝衣一件玳瑁銀帶一條荷包牙筒刀子俱全馬皮靴一雙當時更易牽諸進士行三跪

九叩頭禮榜眼探花以下俱折鈔五兩初六日入

朝親捧謝恩表跪丹墀下內閣收進匣用黃綾包用銷金龍袱
初七日國子監釋褐鴻臚寺官引彤至先師神位前行釋菜
禮奠三爵及四配伏位次引榜眼探花至十哲神位前東西分
奠爵伏位引二甲第一名奠東廡三甲第一名奠西廡伏位同
行禮畢至養倫堂拜大司成大司成坐正位在本監中式者行
四拜禮餘俱兩拜大司成請鼎甲上堂酌酒三盃鼓樂送出二
十日吏部引見二十二日奉

旨授彤秘書院修撰張玉裁董訥俱授編修二十四日吏部宣
旨二十五日入

朝謝恩至內院見滿漢大學士行一拜三叩頭禮舊規兩拜六
叩頭大學士受一答一今滿漢大學士省各拜之禮止行一拜

禮見學士二揖卽出二十八日同張玉菽董訥到任先謁孔
廟次謁土地祠土地神爲韓昌黎先生謁畢卽至內院報到任
日期典籍移咨吏部開俸是日選庶吉士二十九日奉

旨帥顏保范承讓教習庶吉士三十日到教習老師處投帖五
月五日大會同館諸同年於金魚池十五日到內院請進館日
期間大學士親自送否如親送則設席多不親送則設席少大
學士李公問范老師范老師又問諸門生自酌定可也李公云
此衙門大典禮自辛丑

世祖章皇帝賓天故不行甲辰應行而不行今科不行此禮必
廢但今科鼎甲三人庶常十二人多寒士此舉甚費如何十九
日早齊赴翰林院投教習老師請啟以次投中堂各前輩啟二
十六日進衙門午時教習老師方到任三鼎甲與諸庶常迎老

師於二門外打躬老師進後堂諸同年拱立 聖廟前候老師
同行二跪六叩頭禮次至土地祠同老師行一跪三叩頭禮入
川堂兩位老師交拜卽坐川堂是爲丹地溪嚴鼎甲庶常左右
分班彤領左班次董訥次史鶴齡次夏沅次丁蕙次謝兆昌次
唐朝彛次劉澤溥張玉裁領右班次潘翹生次張英次儲振次
盧琦次楊仙枝次王日溫排班東西向立轉向上行兩跪六叩
頭禮老師受一答一仍分班侍同館交拜行兩跪六叩頭禮老
師升公座簽押諸年兄俱簽押畢出至大堂候老師退後堂請
庶常號書出老師退火房是爲修吉堂前卽五雲溪處請鼎甲
號書所以優鼎甲也三學長該達多奇那思泰與彤等交拜於
川堂然後請老師上席席設後堂席散歸寓放假三日然後進

館讀書

記事

子入鑠院領十八房考思效梅聖俞嘉祐故事陪歐陽主文作
禮部唱和詩而不可得一則時促彼時絕不通人者五十日今
裁廿日耳一則監視嚴彼時羣處燕坐嘲談笑謔都無所禁今
則主文同考環坐把筆且監史在傍一起一居皆須檢點一則
秤量密彼時裁取任意古文今文抹紅勒白致有括軋苗刺刷
爲笑樂者今則彈絃糾墨搜瑜索類左勘右核旁皇不暇卽緘
箱將退尙有持燭重開展者以是鑠院日久不得一詩旣見王
編修潛澱七律八首甚工整在賜宴時則有幣頒錯繡裁雲碧
花賜敲金插帽紅句在閱卷時則有圍棘空庭人語寂垂簾清
晝柝聲傳句皆當時實事至若紫泥密下瞻天筆黃紙新刊列
御題句則以是年一二場皆

皇上親命題到院黃封

御筆尤所罕觀故云予雖和四詩實愧續尾惟臨發榜前三日
夜歸房後與李丹壑世兄張尚臣編修東西連舍每至丙漏重
續燭墻頭過酒厨人說攢食家僮授籌敲壁歌呼以爲樂因復
得唱和詩數首但二君被酒輒醉才如湧泉予稍醉反口噤不
能語每思及至今媿之

西河詩話

初盛唐多殿閣詩在中晚亦未嘗無有此正高文典冊也近學
宋詩者率以爲板重而却之子入館後

上特試於殿上嚴加甄別時同館錢編修以宋詩體十二韻抑
置乙卷則已顯有成效矣唐人最重二應體一應試一應制也
人縱不屑作官樣文字然亦何可不一曉其體而漫然應之上
康熙十七年吏部奉

上諭特開制科以天下才學官人文詞卓越才藻瑰麗

召試擢用備顧問著作之選名爲博學鴻儒科

勅內外大臣各薦舉來京行文到浙本府遵依寧紹台分巡道檄照布政司來帖謬薦及于子初辭道府繼辭布政司及院使皆不許先是二年間

上厭薄八比已諭內三院九卿于甲辰丁未兩科改換策論着以經濟時務取士而廷臣狃于故習皆言古學不可猝辦仍暫用八比以俟除復因特開是科振厲其事時子走四方裁得還里而頓膺斯舉且怖且愧時寧紹台道許公驛傳道李公巡撫陳公皆濫相推許于兩浙州縣所薦合五十餘人核至五人而子名預焉且將部咨擲寓以要必赴因狼倉出關時戊午八月正舉浙鄉試是日係第一場試士日云

制科
雜錄

按制科始于兩漢皆朝廷親試不涉有司歷漢魏六朝唐宋不

改惟唐試科不一遂分制科與進士及明經諸科爲二惟親試者得稱制科又謂之大科餘皆非是也自元明專用進士一科不用制科卽有薦舉擢用如賢良方正等皆不經召試有薦舉而無科目因誤以進士科爲制科且以八比文爲制舉文而典制與名稱俱失之矣至是始開科實別于八比而世仍未之曉也

已未正月晦日

上諭薦舉人員着二月初三日親試高陽李師奏時日迫促不能預備試卷桌子等項遂

諭十六日啟奏時

幸溫泉回益都馮師又簡入會闈作主文官未啟奏間十七日

傳

諭該部同翰林院確定試日并應用事宜具奏因定三月初一

日同上

二月二十九日吏部過堂子時以右手腫爛告病不許先是子體羸手背以北方風高每瘋燥作癢族弟會侯送藥劑來是火酒製者飲之忽筋腫而膚爛手腕脹如瓠不可執筆因作呈詞一紙于過堂時告驗時滿漢太宰皆執不許而掌院葉師以爲僞也云君但洗去其藥自愈矣至選君楊公君則淮人故知子者慰云天下名士有幾若先生告去則此舉爲不光矣不得已彊出是夜遇陳太士用藥漱之稍愈三月初一日平明齊集太和門以魚貫入詣 太和殿前鴻臚寺唱行九叩頭禮畢是日上御殿祭

堂子回命諸薦舉人員赴東體仁閣下太宰掌院學士復宣

旨云汝等俱係薦舉人員有才學的原不必考試但是考試愈
感你們才學所以

皇上十分敬重特賜汝宴凡是會試殿試館試狀元庶吉士俱
沒有的汝等要曉

皇上德意宣訖命起赴體仁閣設高桌五十張每張設四高椅
光祿寺設饌十二色皆大盃高攬相傳給直四百金先賜茶二
通時菓四色後用饅首餠子紅綾餅粉湯各二套白米飯各一
大盃又賜茶訖復就試時陪宴者太宰滿漢二員掌院學士滿
漢二員皆東北向坐謂之主席以賓席皆東西向也餘官提調
皆不與焉于是日仍告手腕難執筆不聽及賜宴時強把金筋
指小訕因草草完卷卽出其夕晚出者十餘人皆給燭竣事然
後彌封諸試卷作四封當夜呈

進相傳先試一日

上命內閣諸學士及翰林院掌院擬題皆一文賦一詩高陽李師擬璿璣玉衡賦賦得雨中春樹萬人家寶坻杜師擬王者以天下爲一家論省耕詩益都馮師擬十三經同異考耕藉詩內閣學士項公擬士先器識而後文藝論賦得春殿晴薰赤羽旗閣學李師擬响嘯碑贊遠人向化歌掌院學士葉師擬珪璋特達賦三江九江考賦得龍池柳色雨中深

上用高陽師賦題寶坻師詩題第先試一日傍晚或云外間有

覘其題者

同上

試之次日

上攜卷至弼州觀魚貯以黃絹箱至初十日大風帳房內親看抽出其一卽子卷且夾一紙籤于卷中御書女媧事三字以子

賦詞有云日升于東匪彎弓所能落天傾于北豈鍊石之可補
疑鍊石句不經將以詢大臣也時以大風起不終閱仍入箱訖
十四日還宮十五日發卷出中堂三相公暨掌院學士叅閱十
六日閱訖十七日啟奏呈繳照前代制科分等第進士科分甲
乙例判作四等曰上上曰上曰中曰下時閱卷者見子卷紙籤
不知所謂且疑

上不善其詞三相公欲置之上卷之首而掌院踟躕曰第置上
卷末伺

皇上意旨何加耳會二十日殿試二十二日中堂掌院俱作讀
卷官

上諭前所試上上卷上卷着入史館纂修明史餘俱遣回其年
老者量加虛銜未到者不再試亦不必令來遂問有不完卷者

何以列在中卷衆答曰以其文詞可取也又問上上卷內有驗于天者必不驗于人語無礙否衆答曰雖意圓語滯然無故礙也又問或問于子曰及唯唯否否語豈以或指朕子自指耶衆答曰賦體本有子虛亡是之稱大抵皆寓言似不必有實指也又問有女媧補天事信否益都師曰在列子諸書有之似乎可信

上曰朕記楚詞亦有之但恐燕齊物怪之詞不宜入正賦否益都師曰賦體本浮夸與銘頌稍異似可假借作鋪張者上曰如此其文頗佳今在何等答曰已置之上卷末矣上命稍移在上卷中嗟乎子實不才且是日旃帳全不盡平生所長不知何以猥蒙

聖眷如此

折卷後

上曰詩賦韻亦學問中要事何以部不檢點賦韻且不論卽詩韻在取中中者亦多出入有以冬韻出官字者有以東字出逢濃字者有以支韻之旗誤出微韻之旂字者此何說衆答曰此緣功令久廢詩賦非家絃戶誦所以有此然亦大醇之一疵也今但取其大焉者耳

上是之選定爲五十卷上上卷二十作一等上卷三十作二等餘中卷下卷分作三等四等總名爲下第不填榜內至拆畢因于上卷中斥去一卷

上命擇一有名者補之時中堂掌院各有所薦皆不允最後益都師以徐咸清薦卽徐仲山也

上曰有著作乎曰有資治文字若干卷

上曰資治文字何書也曰字書也傍一學士曰字書小學也遂
召不問後

上自取嚴繩孫卷補之卽前云中卷中不完者至二十四日
上諭吏禮二部這取中人員該授何職着確議具覆時二部不
諳舊制科例但擬已仕者照現任品級或陞或加級其去任在
籍者或宜起用或宜在籍加銜一應未仕者俱授翰林院待詔
具覆

上命閣臣取前代制科舊例來閱查得兩漢授無常職皆止授
尙書郎唐制策高者特授以尊官其次等出身因之有及第出
身之分五等其第一第二等皆不次之擢第三等始爲上等恩
數比廷試第一人第四等爲中等比廷試第三人皆賜制科出
身第五等爲下等賜進士出身

上乃降旨薦舉取中人員俱授爲翰林官應給職銜着再議具
奏其杜越傅山王方穀等文學素著念其年邁從優加銜以示
恩榮于是已仕者俱照品級授講讀官坊編修等其未仕者概
授檢討總充史館官纂修明史其杜越等俱授內閣中書聽其
回籍依議

同上

乃擇四月二十日到任各朝服頂帶于欽天監火神廟齊集到
衙門行禮畢次日遂赴史館

同上

後同籍十五人集于衆春園做題名故事各賦詩一首施愚山
爲之序

同上

年少登科切勿自喜見識未到學問未足一生喫虧在此即使
登高第陟高位庸庸碌碌徒與草木同朽耳往往老成之人一
入仕途建立一二事便足千古由其閱歷深也

湯子
題書

自鄉以升於禮部自禮部以升於

天子之庭三闕歲得百五十人與是選者殆所稱能言之士也
然是百五十人者操舍不同趣仕于朝內外簡劇所業滋殊求
夫先資之言一一相轡者十不得二三焉

松桂堂
全集

竹垞主人少無宦情耕長水之南年五十矣

天子下詔徵文學之士備顧問著作之選有薦于

朝

召試體仁閣下

天子擢居一等除翰林檢討充明史纂修官故事翰林非進士
及第與改庶吉士者不居是職而主人以布衣通籍浙異數矣
越二年

天子增置日講記注官則主人亦與焉是秋出典江南省試拜

命之日屏客不見將渡江誓於神人闕矢言益厲聞者以爲性
迂公事畢地主問遺輒以分故舊携其妻入京師無家具僅載
書兩大簾而已盜劫其居發所藏止餐錢二千白金不及一鑑
也明年正月

天子召入南書房賜宅景山之北黃瓦門東南居一年名挂彈
事吏議當落職

天子宥之左謫其官復僦宅宣武門外

聯書
萃集

王頊齡字韻士號瑁湖江南華亭人御史廣心子康熙丙辰進

士授太常寺博士由吏部尚書郝公惟吏部左侍郎張公士薦

舉官至大學士謚文恭著有畫舫齋集先生以鴻詞致位執政

其子姓登卿貳者數十人同懷兄弟三人皆一品科甲不可勝

計梓楔崢嶸里人名其第宅曰竹竿滙與海昌陳氏相埒蓋兩

家各精青烏之術而其效如此近聞王氏張堰一塋爲沙所澱而陳相國六婆墩賜穴竟置之絕地坐是二家少衰云鶴徵

無錫某科進士花甲一週與某科新進士會同年令其子輩俱拜爲年伯余於甲子年會辛卯同年在位籍者於寄園胡又弓李九畹鄭山公王龍洲岳鎮九王涓來成愚崑王阮亭張蓮峯田子眉鄭方旦蔣飛占任介石梁翼宸郝颺嘉胡二齋吳曉岳李逸五沈維菴杜讓水張羽京王爾成陸會菴主人沈繹堂姚陟山李奉清尹瀾柱及予共二十九位今甲戌年止鄭山公王涓來王阮亭三位尙列朝端寄園寄所寄

壬午十月二十二日隆阜戴應昌字孟全中式歸邑借予里德

聚堂居停候縣官迎出東門十里再赴公宴相傳昔年程篁墩鄉居值木縣宴科舉程公陪席因斟滿一爵云諸兄能決科者

飲此汪循應聲起飲程公曰兄果爾老夫當出郭迎十里也
公中式歸坐漲山舖不赴宴爲致此意程公曰我幾忘之矣急
出迎本縣隨行今相沿爲例然亦陋矣同上

文風上應

國運

國家全盛之時當有光昌俊偉之文大抵風氣須尙高明理體
要歸馴雅夫文之入股猶人之四肢也今或起講一直說盡無
復虛冒是開口而臟腑具見病一也提比籠罩冠冕方有氣象
今或強作掀翻散行一段頭目傾斜病二也虛比往往逕刪反
從中股後出題咽項不貫病三也中股宜實而虛宜正而反宜
全發而忽半截無復起承轉合心腹空虛病四也後幅忽作二
大股或又加二小股股大于腰指大于臂病五也夫耳目易位

西子無所逞其妍穠棟倒施輪般無所用其巧讀書好古之士
範我馳驅而蹊逕自別至于全章一節剪裁頓挫自見古人手

筆願具眼者一振之

試院本淵錄

高才之士其文必礪柯博學之儒其文必深遠中州風尚和平
原少軋苗之習要在振取鴻才碩彥耳今司衡者過求平穩多
取空疎膚熟之文以幸免磨勘于是半收庸士而懷才抱異者
棄矣唐荆川先生云文字須從胸中流出其東塗西抹剽襲成
篇了無意義者不足錄也我輩此舉期中州鼓吹雄風爲數十
年樹立偉人願共努力上

部頒條例有云落卷須抹出不中緣由所以服舉子之心且防
考官不遍閱也倘或開卷時稍不當意輒加批抹其中或是佳
卷業已不可救矣夫薦卷止用句圈則落卷亦毋多抹以一省

棄全瑜深可痛惜此後遇有才情稍溢或古峭淡遠初閱不覺
觀或一二字微疵苟非字句可疑有干禁忌者幸各耐煩閱畢
萬一佳卷不足留待採擇寧取有瑕之玉無取無瑕之石庶可

收一二奇士

同上

省試士子多至四五千人入教止四十七人百中取一豈無佳
文所患掄擇不到或精力偶憊目懶終篇或取數已盈點不逾
幅以士子攻苦三年曾不博考官涉目俄頃此書生所以仰天
痛哭也今務竭力尋繹果無足錄亦必動筆三四篇夫得失雖
有定數而我輩苦心搜羅可動鬼神慎毋憚旬日之勞致遺失
身之悔

同上

二三場之繼七藝所以求通達古今之儒也其論策有發明條
對之能必其學通原本者也表判有金聲玉色之工必其才兼

風雅者也今有頭場在伯仲之間難分去取者查其後場精警則亟登之以留讀書種子昔歸震川先生老子棘闈亦緣後場入彀至今推爲大文人此其驗也至于七藝已收而後場狼狽太甚亦從汰去別拔真才同上

薦卷十拔六七以四十名計之主司所閱不過六七十卷而止豈不偷閒省力但受卷分校有初閱數十卷而僅觀其一後閱十餘卷而得二三遲速多寡不可預定也若取數以足遽置餘卷不閱于心實有難安故必多收廣薦選拔其尤則遴國色于衆妍之中而南威稱最剖大璞于羣玉之圃而和氏無雙同上

又之美惡衆所共知然人心不同有如其面雖使班馬同堂鄒魯接席不能篇有同好審矣故奇文共賞自當入彀倘或所見偶別例許殿換再三總不知其姓名亦復何容憎愛一切去取

高下不過憑文衡鑑幸毋執拘忿爭義切同舟願宏大度

同上

條例開載主司房考同堂分閱散卷時不許手授接談以防示
意分閱時不離席商量附耳密語以防交通閱卷時不攜帶一
卷入房以防代閱暗地搜尋閱完一目必各自登記已閱若干
未閱若干呈卷若干落卷若干要使心迹較然不欺則毫髮無

慚盛典

同上

槐廳載筆卷十一

國子監祭酒法式善編

紀實二

順治甲午正月四明一士人金良者召仙仙大書乩云解元金良士人大喜及開榜解元乃鍾朗也蓋鍾字旁有金字朗字旁有良字神仙之遊戲耳然金君於次科亦卽中式

聞見
危言

學使者出巡諸郡旅店只茅亭一間不蔽風雨竹床一張每展轉輒格格作聲鼃鼠攢嚙達旦不寐與夫卽獐人口作鳥言腰橫短刀面如猿猴其儕伍嘻笑怒罵呼叱弗顧也

粵西
偶記

學使者于州郡例無統轄禮貌視他上官不同粵西則恃慢成習更出意表憶在馬平水米俱絕者一日在蒼梧求雞子一二十枚不可得詰之則曰此地不產其實雞聲里巷相聞也試曰

不送燭呼其胥役問之則已逃矣一二等生員當給賞示鼓舞
州縣往往具文云久已奉裁應將何項錢糧支給反相詰難焉

同上

天子特降尺一詔徵天下金石古文藏諸中秘草野博雅之士
命有司以禮羅之意甚盛也予不佞奉此意視學於澗力以古
學為諸博士倡諸博士亦不以為怪稍稍有習之者越郡韓生
則尤所稱能古文辭而予拔識士也

修古堂
文稿

按此文為方虎先生代人之作韓生字干之名俟考

康熙丁卯順天鄉試海寧查嗣韓侯官林文英皆全作五經題
文以違例不准謄錄榜發後監試御史陸祖修疏二人名以聞
上許其一體會試戊辰俱成進士登詞苑葢特典也此來帖嘔
之家以帖括竊取科第自本經而外一無通曉仕路之登進日

繁學殖之荒落日甚查林二公乃能於風簷刻燭時立就二十
三藝洵未易才若非幸過

聖朝則格於成例終至淹沒矣考之有明三百年來五經中式
者僅二三人崇禎甲戌會試則福建顏茂猷癸未則浙江譚貞
良馮元颺今一科內兩獲奇雋又仍出於閩浙於以徵化成天

下爲尤甚焉

附

廣西自壬子科舉後至壬戌春舉行鄉試

孫司空詩鈔註

康熙己酉鄉試山陰袁顯襄先期以闈題叩乩仙批云不可語
再叩曰豈終無一言耶批云題目卽在不可語之上又乞明示
批一署字及入闈乃知之者一章題有四者字且在中人以上

一查用不可語之句也袁大悟遂中式

曠園雜志

天啟丁卯鄉闈人顏光衷茂猷兼舉五經成文二十三首外

廉得之以其文堪入較惜其違式止錄易經義以進浙祁世培
彪佳取中迨墨卷入對始知其兼五經也甲戌會試亦兼五經
座主不敢自專題疏上請

命特中進士故會試錄列其名于會試之前及壬午之北闈癸
未之會闈嘉興譚築巖貞良慈谿馮眉溪元颺皆以兼五經具
題奉旨一體校閱各予中式焉考之閩書漳州長泰縣黃文史
字廷實穎悟博通洪武二十二年應貢庚午試南畿五經題兼
作以違式取旨太祖讀其天下一家論大見稱異御批特置第
一免會試授刑部主事此則兼五經而應制之始也宋時鄭俠
之父暈同五經出身大觀二年莆田黃泳以童子特賜五經及
第又孫奭中九經狀元真宗朝蔡齊亦中九經狀元今

本朝五經發解自海寧查嗣韓閩縣林文英始亦以違式御史

陸祖修特題中式嗣後多有以五經成進士者遂另設五經卷鄉會爲例然趨此途者亦未免有弊矣

閏四月十六雲貴試差

命下齊集午門外開讀朱我與雲南正主考魏無僞貴州正主

考兩副皆滿洲乙榜

康熙乙酉日記

五月二十五鼓出平則門抵西苑開列試差者畢集有

旨明日早候

御試余赴直廬直伴先後至同啟奏云臣等蒙

皇上恩典現在隨

駕之列不願作鄉試主考官明日求免

御試隨奉

旨汝等所見極是向來主考難得好名聲汝等既不願出差今

年各省鄉試俱不必開列職名傳與學院知道

同上

八月初三北闈主考

命下正汪東川先生副姚胥仲先生

同上

九月初五 駐蹕傍晚內侍傳

旨問臣等北場鄉試榜至今未發恐太遲衆人議論臣等回奏云兩主考荷

皇上特用闈中看卷自然加意詳慎故發榜稍遲且上科亦是九月初四出榜計早晚試錄當到矣黃昏報果至發下令臣等細檢姓名中式者共二百十七名內江南

御試考取者中式凡七人奉

旨又問臣等中有知名之士亦著啟奏臣等各據所知公開一

單以進

同上

戊辰春試士南宮官傅宛平王公司馬成公副憲鄭公與子同奉總裁之

命時

朝廷用臺臣之言得稍緩榜期從容校閱鎖闈者垂三十日始得竣事及榜發都下良翕然稱爲得士蓋官傅公與成鄭二公之藻鑑不爽而濟以同事誥賢之殫其心力宜予之得藉手以迄成也顧予自惟才識淺劣謬荷

主上殊遇代匱諸司所不至隕越是懼惟是精白一心虔共奉職庶幾得仰副我

皇上所以委任之至意入闈之日官傅公與二公抗聲言曰往者王子京闈之役公實爲主司風氣自此丕變今茲南宮之試天下才雋聚也公其勉之予拱手對曰憶王子今十有六年學

殖本薄年衰益荒幸隨元老鉅公後秉承指導敢不黽勉從事
遂告誓神明設立規條與同事者約諸生三年攻苦劇賢錄肝
就此盈尺之紙苑枯得失決於俄頃卷一到時卽宜袖手閣筆
真心靜對恍與作者之神情相遇然後隨其工拙而上下之若
是則雖限於功令美不悉收而在吾與彼之心亦可以無憾矣
若掀紙未竟妄爲甲乙逞臆恃才塗抹恣手此不特坐失作者
之苦心而上負功令明誅鬼責何可道也楷園集

四十三年冬蒙

皇上高厚隆恩破格

召試

特授翰林院編修乙卯科

欽點順天武鄉試副主考又蒙

欽點提督山東通省學政丙戌科會試同考官叨沐殊榮實屬非分臣每貽書勸勉務期殫心竭力仰報

主知臣弟申季感激

生成自矢清白供職答臣書內有一點丹心九死不移之語故考試山左恪遵

功令不敢毫有苟且諒久在

洞鑒中本年又蒙

恩特陞日講起居注官不意臣弟福過災生今夏積勞成疾且迫於科試力疾校卷八月初旬試事甫畢而神衰骨瘦元氣耗脫至十六日遂成不起

恭報公刺稿

蜀都山川靈竒擅絕海內以余所歷連雲棧閣之險瞿唐灩澦

之奇岷江奔流巖嶂秀削在西南方另闢一境故其氣之所鍾
才人杰士照耀史冊勝國以來蓋罹寇亂頃又再被兵革人亡
土曠滿目荆榛輅車所至有百十里無炊烟者竊意凋殘若此
卽使淵雲輩出亦何能操筆爲文字已復念之梗楠杞梓天寶
生之雖游遭斤斧而窮山邃谷中千尋之幹固不乏也入關之
日與銓部王君暨諸同事殫心蒐拔愛惜矜護不敢率意塗乙
得士四十二人每折一卷當事輒額手稱得人余怛怛未敢信
也當未撤棘時學使者馮君訥生籍三川名雋三十人驗其得
失榜發售者二十有五副車三所未見者二人耳蜀人相傳以
爲極盛余私心自喜故事試蜀無遺詞臣副以吏部郎者
天子念蜀甫定以文教懷柔遠人特有是命健松齋集

辛卯秋余與俞太史馭世同典蜀試既撤棘太史先歸復

命余以校勘試錄留錦城者匝月復取諸生之文點定之擇其

尤者若干篇付之剞劂

太僕集

康熙己巳余充貢入太學於時兩司成皆詞林宿彦方以通經學古訓後進四方知名之士亦多聚于京師每朔望釋菜六館之長率諸生振衣升堂執經問難八旗子弟拱手序列有園橋觀聽之風月有課季有考公卿大夫皆傳觀其文以爲質的其平居朋友講習道德詩書之外無游談無勦說亦時或有酒杯相聚爲燕樂蓋士之砥礪如此而上之鼓舞作興又如此故太學於是爲盛二十年來而此風已稍變矣

同上

人於其所業當竭一生之力而爲之母求其便者必爲其難者吾少年學舉子之業教我者曰此敲門槧也得第則舍之矣但獵取其淺易者可以欺考官而已遠者高者不足務也必無人

知則贖矣後從魏叔子先生見穆當時先生二先生之言曰欺人者欺之以所不知也盡天下之人方竭才力以爲舉業誰不知者而子欲欺之以淺易子其困矣始知向來之誤也農必爲良農賈必爲良賈工必爲良工至於士人之業乃欲爲不良者何也

純吟雜錄

宣城施愚山先生家園有梅數株橫斜閣外今歲四五月間梅忽吐二枝適孫荊兩公及第捷音至無何復綻一萼則先生侍讀之

命又與高檢討同日下洵異事也

湖海樓全集

勤性喜讀其於文事往往以己意倣古人爲之頗不協世好然每遇知己因謬得時名初補博士弟子應學使錢公江試卷爲某客所呵時虞山翁鐵菴叔元秀水徐華隱嘉炎同在使院鐵

庵得卷深加激賞華隱已寢起攝衣冠拜之曰濟南名士多今

乃見之因共言於鏡公拔冠多士戊午鐵菴來主試勅見遺鐵

菴深惜之大爲延譽自是文名益起鶴侶齋集

康熙五十六年四月禮臣以雲貴鄉試請差考官

上再詢九卿戶部尚書趙公申喬首舉余奉

旨雲南正考官著李紱去副考官著張起麟去張爲余同年友益

左通政黃公叔琳所舉是日爲十有六日先是日講官起居

注闕人掌院學士徐公元夢等首以余名列薦奉

旨李紱著以原銜充日講起居注官十三日詣海淀謝

恩十四日到館館人卽以是日送更直牙牌到家十五日料理

侍班冠服十六日四鼓起趨暢春苑侍記注

上將以十七日幸熱河清暑故是日聽政久至午始罷

諭旨逾千言比抵家日已西矣禮部遣人促詣 午門宣典試
旨余所乘敝車馬尤羸瘠是日往返近六十里旋造
朝則馬瘡僕痛委頓不堪既宣

旨復入 午門至 起居館記注日暮始出宣武門禮部遣筆

帖式賚牒到寓舍促俶裝顧囊不能名一錢無可經營故事奉

命典試者即日封門帖迴避字不得出門詣戚黨無從稱貸困

屈彌甚次日遣人詣兵部領勘合火票十九日晚始領得二十

日送往兵部掛號二十一日始遣馬牌二十二日五日期滿遂

踉蹌長行雖滇南萬里懷資卽次不暇計矣

別業 穆堂

湖南貢院之基在長沙城北隅其始蓋湖湘書院也雍正元年

世宗憲皇帝俯念洞庭之險多士赴試不無艱屢

特命南北湖分闈鄉試例建貢院時觀光期促百務草創限於

地列號西偏土兪單薄一眷對向其體製與他省迥異風簷苦
之乾隆十年前中丞虞山蔣公以修葺入告經部覆在未及舉
行旋晉秩少宰乙丑夏使者恭膺

簡命繼撫湖南甫下車士習民風惓惓目營手畫以仰答

聖明無負職守歲丙寅偕司道入院周視思有以易其制而細
於費適長沙副榜高拔偕七十九庠諸生呈請以本科

恩賜公車路費及是年廩餼爲改建號舍費余嘉其意爲據情
入告得

俞旨四知堂文集

李鎧字公凱號惺菴順治辛丑科進士綏陽縣知縣補鉄嶺縣
應博學鴻詞科授翰林院編修歷官太常寺卿通政司使內閣

學士政事文學一時稱兼擅云

山陽耆舊詩

東坡集卷十一
徐仲山先生名咸清爲先家宰等軒公壻以先祖姑嗣音爲婦
以才媛昭華爲女皆閨中之秀金春玉映康熙己未以諸生應
鴻博試

召試體仁閣下

聖祖問有著作乎馮益都相公對曰有資治文字旁一相曰字
書小學耳因放歸時輦下鉅公贈聯云北闕上書爭識西京才
子東軒賜食歸携南國佳人一時艷稱之雖不得仙亦足以豪
云越風

國家定制自康熙甲辰以來試於南宮者始以百五十人爲一
榜此百五十人者皆四方才俊之士各以齒相先後如兄弟然
可謂親矣

天子旣臨軒親策之第其高下又推擇其尤者三十餘人爲翰

林庶吉士而以文學有重望之臣教習之此三十餘人者日以詩文相鏃礪間或飲酒歡樂諧笑喧雜如是者三年可謂尤親矣其中必有合志同方莫逆於心者一二相與共謀千秋不朽則如余與桐城華曾姚君是也

雙雲堂文稿

先君子詹事公少時遐搜遠討吟咏嘯歌欣然忘返迨珥筆

內庭視學山左故鄉山水時時縈懷山故多橋因以橋巢自號

橋巢小築

雍正四年丙午江南鄉試中式七十四名座主爲少宰沈公近思編修曾公元邁是秋庭中產靈芝附香櫟樹而生三莖吐秀熒煌耀日人以爲瑞五年丁未

詔以歲閏春寒會試屆期遣大臣入闈周視務使衣裘咸備食飲得宜場事畢赴園謝

恩

上諭爾諸生皆朕之士子卽他日股肱心膂之寄所當視爲一體不必具文陳謝閏三月初十日榜發中第一名座師爲勵大司寇廷儀沈總憲近思史少空貽直房考爲尹公繼善四月

殿試第一

命在南書房行走七年己酉閏七月十三日奉

命爲河南副主考事竣抱病還京蒙

恩遣御醫劉裕鐸沈文崧診視

賜參藥十年壬子五月

命典雲南試偕編修趙大鯨往貢院在五華山麓分房者共十人中額六十五名徧閱落卷擇其理淳格正者登諸賢書時江陰前輩楊公名時恩信決於蠻方罷官後從容偃息夷險一節

無所繫牽其忠誠耿著足深仰止云

按楊公係雲南巡撫

十一年癸丑會

試分房得趙師夔等二十一人十三年乙卯六月

命典江西試偕御史張仕過往時意氣銳敏晝夜閱卷期得佳
文民卷已愜適惟官卷只二十九本若照成例取中十卷未免
太濫因裁去四卷攤入民卷此一片秉公敬事之心乃時論以
爲薄於同官忌嫉者多以為非豈知二十年江西官號只中一
名耶放榜時中丞常公安爲監臨每折一名輒喜得佳士焉與
論翁服是科北闈則考官逮問少司空顧祖鎮庶子戴瀚落職
問徒乾隆元年丙辰七月充山東副考官其正考爲汪公由敦
取中戴汝槐等九十二名是科因在過密之時不設筵宴唯一
至釣突泉厯下亭北極廟三年戊午八月分闈易一房取中周
漢等十一名如莊有恭宋弼沈榮昌皆得外任督撫司道周漢

卽爲浙江主考貴州學政六年辛酉充江西副主考偕少宰張
廷璐往學士鄒升恒送行詩曰再典江西試匡廬有宿緣銀河
天上落丹桂月中懸五老風雲古三羅甲第先憑君添勝蹟衣
鉢付羣賢一水潯陽近三吳匹練通還因携玉節兼得訪蘭叢
燕賀華堂燭蟬鳴驛路風歸朝百花滿人望在沂公少宰蒞齋
先生歷典文衡取材精當酌籌去取尤見虛衷來時經桐邑過
良弼橋見贈詩有科第才名俱絕頂一籌端合讓君家之句聞
中得

旨陞侍讀學士事竣適陳榕門先生由江蘇藩司陞任江西巡
撫以所梓理學儒書見貽儼見師友良規迴至陶家鎮閱報陞
右通政至定遠陞僉都御史途中口占紀

恩曰瑣闥匝月凜冰持

闕下丹書荷載馳月朗銀臺司出納風清相府肅箴規平生愛
讀陽城傳夙習寧耽荀令池欲奏封章陳

殿陛驟駢歸路尚遲遲路經宿州時被水災饑民滿道訪得州
牧張某匿災已而撫臣張某因饑民環訴許爲請賑奉

旨發賑又過爲刻減老弱之民多不得賑怨者載路鳳陽守楊
某董率無術到京具摺陳奏有

旨飭督撫查辦斥謫有差九年在浙江學政任覆試甲子科中
式舉人十六年三月閱會試迴避卷取中張曾做劉墉一名二
十七年壬午充浙江鄉試正考官莊滋圃爲監臨辦事周密待
士寬厚人爭頌焉滋圃乃余戊午分闈所得士也余曾三任浙
省學政因在貢院題聯曰蓉鏡重開漫向湖山尋舊迹桂枝擢
秀相期月且識眞才三十年乙酉七月

召對時詢及鄉試應裁去官卷否謹對官卷業經裁額不爲濫
觴若混入民卷恐開情徇之端有妨孤寒進路仍宜照舊安入

月充順天鄉試正考官

芝庭自訂年譜

徵君芝筠公諱漢策字惟孺學者稱芝筠先生范忠貞公承謨
之巡撫浙江也舉以應才品優長山林隱逸之

詔敦迫就道順治十年以廩貢生引

見奉

旨以科道員缺試用忌者誣奏放歸歸後益著述以教後學董氏

詩

徵士中吾石友三皆據天下之最太鴻之詩稚威之古文紹衣
之考證穿穴求之近代罕有倫比紹衣丙辰先成進士改庶常
例不當試後以散館出外稚威以疾太鴻以違式皆不得在詞

館豈非命哉

詞科掌錄

桐城方觀承問亭少被家難謫戍出塞遂悉邊情遇赦還里復從平郡王至大軍奏授中書舍人詹事太倉王公所薦試前一日

上以題密授平郡王時問亭方客王所恐被嫌令勿試時桐城方氏舉者凡三人南堂辭不就有名辛元者以經解背謬置劣等問亭有用世之才辭藥煥發宜其一遇而卒不得當人以爲恨

同上

山陰胡稚威天游禮部尚書溧陽任公蘭枝所薦以持服不與

試丁巳補考鼻血大作納卷而出

同上

錢塘厲太鴻鶚浙江總督上蔡程公元章所薦試題誤寫論在

詩前遂罷歸

同上

鄞縣全紹衣祖望戶部侍郎趙公殿最所薦丙辰先成進士改庶常不與試撰詞科擬進帖子援據精核爲召試諸公所不能

及

上同

華亭黃石牧之雋辛丑進士授館職撰文稱

旨加日講起居注官晉中允視學八閩以事落職刑部尚書錢塘徐公本薦於朝試日詩賦旣就以白晁眼眩不能作字納卷

而出

上同

陳絳跌先生名式邑貢生余王母之父也嘗作燕都賦一篇俾其子宿源湖濱熟誦丁酉科場之變凡南北中式者悉

御試瀛臺題卽爲瀛臺賦宿源亦于是科登賢書在

御試列是時每舉人一名命護軍二員持刀夾兩旁與試者悉惴惴其慄幾不能下筆宿源卽以燕都賦改竄成篇頃刻而就

世祖覽之稱善

欽定第二名

柳南
隨筆

濟登茲三字見昌黎鄆州谿堂詩序又見南豐滄州上殿劄子
吾邑嚴思菴虞惇先生殿試策中用之在廷諸公竟未有識其
語所自出者而坊間通行選本古文濟字俱刻躋字諸公反以
思菴爲誤相約

上若問以筆誤對

同上

馮定遠班嗜酒每飲輒洒面濡髮酪酲無所知適當學使歲校
定遠扶醉以往則已唱名過矣學使以後至詰之定遠植立對
曰撒溺蓋猶在酒所不知所云也學使大書一醉字于卷面以
授之隸人扶至號中定遠據席酣睡至放牌聞砲然後驚醒始
瞿然曰我乃在此因問鄰號生四書何題五經何題是日四書

次題爲今夫奕之爲數一節定遠因作奕賦一篇經文五篇伸
紙疾書而出追案發名列六等定遠因大書一聯榜于堂中云

五經博士六等生員

同上

吾邑孫狀元承恩原名曠故字曰扶桑爲諸生時好以駢體爲
經義是時吳中有文社曰同聲而孫爲之領袖同社多效其體
以爲文而風氣遂爲之一變所選丁亥房書名曰了閑悉六朝
麗語風行海內一時紙價頓高滿大臣剛公彈駁文體乃與進
士尚廷清繆憲遠史樹駿舉人毛重倬同時被逮扶桑至禡其
衿予見了閑首義爲學而時習之全章原起云且自芸吹纈古
之香社隕求聲之草桂殘招隱之花以此三句括全題三節通
篇語皆類是聞此篇雖刻他氏實扶桑自作卽一原起而構思

一日夜云

同上

乾隆壬申

恩科子奉

命典試粵東中秋後四日詩二房以紅號敬二卷薦副主司李公諱宗文未許可予閱首篇亦嫌其庸熟已東置架上晚間攜卷入房誤帶此本復閱仍無佳處已決意不取矣三鼓就寢夢有人扯予衣驚醒命僕燃燭披衣而起則此卷在席上揭閱第
三藝題係以追蠶至末與會淋漓聲諧金石因細加圈點明晨
再視前二藝雖乏勝致而筆意相同則非勦襲可知遂定以此
居殿揭曉日子念家大人曾宰龍門填榜至七十一名尚無其
人及折此卷乃龍門李生名隸中也心甚慰豈生素有陰陽歟
抑與予亦夙緣歟

南溪
筆記

當翰林相軋時天下謂

制科皆耆儒碩生而見侮于時文少年或爲不不然

制科中若湯孔伯汪茗文施尚白彭美門李仲章其始亦皆出科第也科第如王貽上徐原一李厚菴諸公其豐才博學亦豈盡讓于

制科者歟自學者束書不觀務爲揣摩掇拾以希速化而世遂

以時文爲詬厲亦科第之耻也

梅崖文集

國初海南提學事以雷瓊道巡試瓊州林嗣環福建莆田人進士順治八年任張彥珩河南人進士十四年任韓廷芑山東人進士十六年任謝辰江南人進士十八年任馬逢舉順天人副榜貢生康熙六年任三廷伊山西人舉人十年任范養民漢軍正黃旗人貢生十四年任而瓊州志又載程憲佟世雍黨居易俱兼提學按省志程佟黨分巡雷瓊俱在康熙十五年罷兼提

學後蓋瓊州志誤也

復初齋雜著

國家設科名取天下之士始自縣令之考試彙其可取者以達於府太守考試之復彙其可取者以達於督學使者其得與於督學使者之選謂之秀才每三年則又有主司者集一省之秀才而考試之彙其可取者以達於禮部謂之舉人禮部復集天下之舉人而考試之其得與於禮部之選者謂之進士進士然後釋褐登朝爲大夫爲公卿矣然其道皆以四子五經之書爲八比之時文至於詩蓋無所用之而天下之習爲舉子業者多不能詩其能爲詩者亦不得留意舉子業嗚呼此詩之所以能

窮人也

海峰文集

乾隆十二年八月大學士張廷玉等覆編修楊述曾奏查科場條例初場文字每篇不過五百五十字是文無貴乎冗長限字

原有定制嗣後應令主考官遵制拔取不得動輒千言至明初多用大結後因文日加長而廢蓋大結之體漢唐以下之事皆借題立論隨時可以綴入明之中葉每以此爲關節其後悉行禁止今若仍用大結未見有益而弊竇愈多斷不可行應毋庸

議

條例
約編

乾隆二十三年十二月吏部等覆御史朱丕烈奏查翰林考試係奉

特旨本不限以時日恭遇

皇上降旨考試則優劣立辨黜陟嚴明激勵裁成之道已屬盡善若如該御史所奏按季按月輪班請試事屬煩瑣應毋庸議

同上

巡撫周人驥字紫昂號蓮峰雍正丁未進士以禮部主事視學

四川三年撻守清潔無所苟且先是本部堂官薦一僕甚勤敏至是數請先行公曰我卽日回京復

命若當隨往其人曰我亦回京復

命耳公驚問乃曰某實侍衛某也特來伺公公考試好某先期奏

聞公歸果蒙

褒旨公弟衣亭人騏爲立傳敘其事甚詳

海濱人物抄存

憶壬申禮部榜發范公棫士招余移寓其家聞報鼎甲公涕泗交頤益痛祖父之不獲見而轉生悲戚也故例臚唱畢諸進士出東長安門看榜鼎甲三人譙于門外京兆尹主席時恪靖胡公公之壻父觀者以爲榮

集一樓

本朝補殿試得一甲一名者未之聞汪東山其一也

王禮堂初白詩評

乾隆己卯余典山西鄉試有二卷皆中式矣一定四十八名填
草榜時同考官萬泉呂令瀛誤收其卷子衣箱竟覓不可得一
定五十三名填草榜時陰風滅燭者三四易他卷乃已揭榜後
折視彌封失落者范學敷滅燭者李騰蛟也頗疑二生有陰譴
然庚辰鄉試二生皆中式范乃四十八名李於辛丑成進士乃
知科名有命先一年亦不可得彼營營者何爲耶卽求而得之
亦必其命所應有雖不求亦得也陰陽消夏錄

姚安公未第時遇扶乩者問有無功名判曰前程萬里又問登
第當在何年判曰登第却須候一萬年意謂或當由別途進身
及癸巳

萬壽恩科登第方悟萬年之說後官雲南姚安府知府乞養歸
遂不再出併前程萬里之說亦驗同上

乾隆壬申鄉試一南士于三月朔日齋沐以禱乞示試題得一

籤云陰裡相看怪爾曹舟中敵國笑中刀藩籬剖破渾無事一

種天生惜羽毛是科孟子題爲交聞文王三句應首句也論語

題爲夫子莞爾而笑曰割雞焉用牛刀應第二句也中庸題爲

故天之生物必因其材而篤焉應第四句也是真不可測矣同上

科場撥卷卷受撥者意多不愜此亦人情然亦視其卷何如耳

壬午順天鄉試余充同考官得一合字卷文甚工而詩不佳因

甫改試詩之制可以恕論遂呈薦主考梁文莊公已取中矣臨

填草榜梁公病其何不改乎此度句侵下文改字題爲始吾於人也四句

駁落別撥一合字備卷與余先視其詩第六聯曰素娥寒對影

顧兔夜眠香題爲月中桂已喜其秀逸及觀其第七聯曰倚樹思吳

質吟詩憶許棠遂躍然曰吳剛字質故李賀李憑箜篌引曰吳

質不眠倚桂樹露脚斜飛濕寒克此詩選本皆不錄非曾見昌
谷集者不知也華州試月中桂詩舉許棠爲第一人棠詩今不
傳非曾見王定保摭言計敏夫唐詩紀事者不知也中彼卷之
開花臨上界持斧有仙郎何如中此詩乎微公撥入亦自願易
之卽朱子穎也放榜後時已九月貧無絮衣蔣心餘素與唱和
借衣與之乃來見以所作詩爲贄余丙子扈從時古北口車馬
塵塞就旅舍小憩見壁上一詩剝殘過半惟三四句可辨最愛
其一水漲喧人語外萬山青到馬蹄前二語以爲雲中路繞巴
山包樹裡河流漢水聲不是過也惜不得姓名及展其卷此詩
在焉乃知針芥契合已在六七年前相與嘆息者久之樂陽續錄
科場爲國家取人材非爲試官取門生也後以諸房額數有定
而分卷之美惡則無定於是有撥房之例雍正癸丑會試揚文

農先房

楊丈諱椿者

撥入者十之七楊丈不以介意曰諸卷實勝我

房卷不敢心存畛域使黑白倒置也乾隆壬戌會試諸襄七前

輩不受撥一房僅中七卷總裁亦德之聞靜儒前輩本房第一

爲第二十名王銘錫竟無魁選任釣臺前輩乃一房兩魁戊辰

會試朱石君前輩爲湯葑岡前輩之房首實從金兩叔前輩房

撥入是兩叔亦一房兩魁矣當時均未有異詞所刻同門卷余

嘗親見也庚辰會試錢傑三前輩以藍筆畫牡丹徧贈同事

遂遞相題咏時顧晴沙員外擲出卷最多朱石君撥入卷最多

余題晴沙畫曰深澆春水細培沙養出人間富貴花好是艷陽

三四月餘香風送到鄰家邊秋厓前輩和余韻曰一番好雨淨

塵沙春色全歸上花花此是沉香亭畔種豔莫教移到野人家

又題石君畫曰乞得仙園花幾莖嬌紅姹紫不知名何須問是

誰家種到手相看便有情石君自和之曰春風春雨剩枯莖傾
國何曾一問名心似維摩老居士天花來去不關情張鏡壑前
輩繼和曰墨搗青泥硯澗沙濃藍寫出洛陽花云何不著胭脂
染擬把因緣問畫家黛爲花片翠爲莖歐譜知居第幾名却怪
玉盤承露冷香山居士太關情益皆多年密友脫畧形骸互以
虐謔爲笑樂初無成見於其間也蔣文恪公時爲總裁見之曰
諸君子跌宕風流自是佳話然古人嫌隙多起於俳諧不如併
此無之更全交之道耳皆深佩其言

同上

科場填榜完時必捲而橫置於案總裁主考具朝服九拜然後
捧出堂吏謂之拜榜此誤也以公事論一榜皆舉子試官何以
拜舉子以私誼論一榜皆門生座主何以拜門生或證以周禮
拜受民數之文殊爲附會蓋放榜之日當卽以題名錄進墨錄

不能先寫必折卷唱一名榜填一名然後付以填榜之紙條寫錄一名今紙條猶謂之錄條以此故也必拜而送之猶拜摺之禮也榜不放錄不出錄不成榜不放故錄與榜必並陳於案始拜榜大錄小燈光晃耀之下人見榜而不見錄故誤認爲拜榜也厥後或繕錄未完天已將曉或試官急於復

命先拜而行遂有拜時不陳錄於案者久而視爲固然堂吏或因可無錄而拜遂竟不陳錄又因錄旣不陳可暫緩寫而追送遂至寫榜竣後無錄可陳而拜遂潛移於榜矣嘗以問先師阿文勤公公述李文貞公之言如此文貞卽公已丑座主也

同上

余爲教習三年可得邑令而考授中書爲中書六年可遷部曹而成進士官編修今六年可得坊局而又出守每垂成輒易地

殊不可解也

集麟北

康熙戊辰科仁和凌紹斐少習清書殿試對策用清漢合璧體
書置二甲末雍正庚戌貢士宋長城對策有請廢科目之議置

三甲末停其選用此元人所謂過河拆橋者耶

茶餘客話

會試同考房蓮亦有盛衰給事中劉顯績大興人明季癸未本
房得成克鞏大學士姚文然刑部尚書魏天賞學士順治丁亥
再爲同考本房得王熙大學士李之芳大學士程芳朝一甲二
名太常卿蔣超一甲三名宋琬川臬使又陳澤州官庶常時辛
丑爲同考本房馬世俊一甲一名孫錄二甲一名董含二甲二
名又康熙庚辰科仁和翁嵩年本房得張廷玉大學士勵延儀
刑部尚書乾隆乙丑科錢相人琦本房得蔣元益會元錢維城
一甲一名戊辰科李然山金臺本房得梁國治一甲一名汪廷
璣一甲三名丁丑科饒壽南學昭本房得館選分部卽用知縣

二年老者以教職卽用無一歸班者是科盧紹弓文昭王仲涵
洛本房所中俱歸班無一授職者同上

雍正癸卯傳臚張廷珩

特旨授檢討與一甲三人同入南書房館選後又補點帥念祖
一人除庶常外另有記名十七人著問有情願在官學教習者
令其自陳又單點記名三十人以知縣卽用同上

雍正二年甲辰殿試後在保和殿考四書文一篇詩一首命
大將軍年羹堯閱卷又命九卿保舉後止憑文錄用不由保舉
館選四十人各部主事三十八人知縣十七人清書派六人進

士用主事知縣自甲辰後始爲例同上

雍正五年丁未館選三十七人外以吏部主事卽用五人以六
部額外主事用二十二人以知縣卽用四人以知縣試用二十

六人以教職用五人

上同

雍正八年庚戌一甲授職外顧成天胡宗緒二人俱卽授編修
點庶常外用額外主事五十八人其餘分頭等四十二員中等
六十二員次等九十八員願授教職者四十八員不用者一員

宋長城

上同

科場兼作五經文字自前明洪武庚午迄崇禎癸未鄉會試代
不乏人甲戌榜龍溪顏茂猷思陵特旨命題名會元李青之前
尤屬異數

國朝順治乙酉丙戌康熙戊辰等科以五經邀甲第者亦復不
少然皆監臨科道特疏奏請否則以違例貼出壬午以後有
旨願作五經者聽敏速之士誇多鬪靡視爲終南捷徑矣乾隆
甲子陽湖生員白仲微倍五經之數作四十六篇監講某公

於成例不敢入告竟致貼出白遂悲死甚矣文人好勝而益歎

憐才之難也此例今停

多硯

許嗣隆字山濤號文穆康熙壬戌進士選庶常歷遷左春坊左中允兼翰林院侍講康熙癸酉雲南正主考著有孟晉堂詩集

金臺集奉使集學問淹博持衡明允人交稱之

東皇詩存

康熙甲午南闈榜前宜興某請仙問何人得中乩云徐充文時充文已下世矣不解所謂及榜發得徐炳文儲大文郁文三人名姓俱驗而二儲一字六雅一字允發充字尤巧合又某科會試場前問四書第一題乩云中人以上章問次題又云中人以上章問三題亦如之後首題知之者一節次則故天之生物必因其材而篤焉見中
人外註三則五穀者一節見知之者外註

亦奇

笑硯

已卯磨勘官有宮太僕煥文閣侍御循琦朱侍御丕烈朱侍御
嵇盡心細核指摘較多時有魔王之號朱侍御丕烈以大磨勘
覆核未公劾奏尤見丰采庚辰考差列三等竟副江南主考于
時楊給事方立有廢謄錄之奏湯方伯聘有改經文爲經解之
奏章疏紛紛議覆殆無虛日遂酌改罰停三科一科條例減主
考房官處分至今遵守儀部向號閑曹至是繁劇甲六部時郎
中爲鄭前村先生仔與先大夫主稿故得其詳藤陰雜記
南北人卷不通看前惟辛酉科行之自戊子以後仍不通看是
以庚寅科惟李殿圖劉經傳二人看南卷丙午科惟初彭齡韓
湯衡看南卷一房幾二十人所謂盡東南之美也南北皿副榜
向無定額佳卷約中十餘人戊子以後何侍御曰佩條奏照正
榜五名中一名之例南北皿各中七人同上

浙江金華府順治丙戌朱之錫後一百五十年並無翰林嘉慶元年丙辰浦江戴東珊殿泗以二甲第一入翰林蘭溪嚴殿傳武殿試二甲第一文武同傳臚同科同府其名俱有殿字亦巧

合矣

石鼓齋雜錄

孫遲舟編修庚辰鄉舉名宸久困公車辛卯下第忽改名辰東詢之不言其故次年壬辰舉南宮第一人以第二人及第辰卽壬辰東字暗藏會字榜字之半

同上

湖州明初科名不振成化初建萬魁塔于碧浪湖自是三百年會試無脫榜者乾隆丁亥塔圯己酉脫科郡人捐修完整庚戌癸丑連得翰林乙卯王以錕會元第二名王以銜狀元同胞兄弟會試聯名從來未有丙辰袁懋會元亦湖州人

同上

史侍郎大成前生爲僧卽名大成嚴侍郎我斯前世爲嵩山僧

嘗夢至嵩見座主同年皆衣鉢相望王文莊師及錢文敏維城
夢侍郎麟俱爲潮鳴寺僧載新齋諸文莊師無病而終似有根
器人謂早歲巍科皆在此坐破蒲團者其信然歟同上

順治丙戌會元探花李爽棠大興人歷官少宗伯其父方懋世
居沙窩門內久困諸生著說部六百餘卷名曰雅薈魏柏鄉與
宗伯同年會于孫北海架上見之稱爲光怪陸離誌霽菴封翁
墓詳言之今不獨書不得見并沙窩門故第亦莫可考同上

康熙丁巳科沈檢討上壩主試江西湖廣同試江南閩中江西

無中者

桑梓
述聞

順治十四年七月甲辰

命內翰林國史院侍講方猶宏文院檢討錢開宗爲江南鄉試
主考官

諭曰江南素稱才藪今遣爾等典試尚敬慎秉公倘所行不正獨不見顧仁之事乎必照彼治罪决不輕恕爾等秉公與否朕

自聞知豈能掩人耳目爾其慎之

史館
紀聞

京師一孝廉會試後夜候發榜與友人擲骰子約曰六子皆紅者中孝廉得五紅其一立盆邀良久始落亦紅又先世神主忽

然搖動合家聞嘆息聲移時報孝廉中矣

符廊
偶筆

王安國字書城號春圃先世自蘇州遷高郵康熙丁酉舉人雍正甲辰會元榜眼授翰林院編修釋褐之曰座師高安朱文端公謂之曰學人通籍後留得本來面目爲難公奉師言故操節與之相類壬子典試福建一榜成進士者四十大學士葛山蔡公與焉遷國子司業翰林侍講視學廣東六年累遷侍讀學士都察院僉都御史官至吏部尚書

淮海英
靈集

江湘字郢上儀徵諸生康熙己未乾隆丙辰兩舉博學鴻詞上
康熙癸巳秋八月

萬壽恩科時亦稱龍虎榜以第一名孫見龍二名黃文虎元至

一年二月禮闈揭榜榜魁曰李國鳳趙麟號鳳麟又榜中有萬

壽千春四姓萬承蒼壽致浦千殊春臺也時又稱爲花榜之祥

南部新書大中以來禮部放榜取二三一聞見辨
人姓氏稀僻者謂之色目人亦曰花榜香錄

丁丑科少宗伯介公福自揚州行在賚

旨及詩題以三月初六日馳至京宣

旨卽奉充總裁官入闈

上迴蹕河工

召總裁大司寇劉公統勳馳赴行在

旨以二十八日至卽出闈梓石齋詩集注

秋室余學士集弱冠文名甲浙右人盡以大魁期之丙戌成進士歸班家居忽廣東吳某投刺訪之延入客曰君其出恭看書耶余怪之客曰予亦犯此罪過因逃去歲曾病至陰司自念母早寡予以遺腹撫而成立今先母卒母將無依痛哭求閻王放還待母天年王取生死簿閱之顧判官曰彼陽壽尚未終何以勾至判官曰此人出恭看書奪壽算矣王命取簿則寸許一厚冊簽書出恭看書四大字王展閱至予名予方跪迎案前叩頭哀泣因得注目視冊果罰壽二紀上名卽君也君名下注浙江錢塘人壬午舉人丙戌狀元以下祿位注甚長乃于狀元字上用筆勾去改進士而止閻王謂判官曰彼死惟以母爲念性孝且陽間不知此罪最重犯者甚多無以勸諭盍放之還俾流布人世有則改之可以自贖罪冊中人不至太多貨壽一紀然此

十二年中須示罰毋令其自適也判官以筆點頭痛甚大叫而蘇則已死一晝夜矣今余得重生頂間一疽醫亦罔效卽判官所點之處也因出疽証之冊中人君與子聯名故得記憶余聞之愕然痛悔自責方余改過之日正四庫修書

詔下徵召之日也今官學士

春